

靈寶無量度人上品妙經卷之五十八 八

迴生起死品

道言昔於紫空耀景天中玄風洞歌大靈妙  
土受元始度人迴生起死無量上品元始天  
尊當說是經周迴十過以召十方始當詣座

天真大神上聖高尊妙行真人無鞅數衆乘  
空而來靈輝燿虛瓊車玉輿扶華宸蓋雲旌  
四張瑞靄交鬱彌羅八纏五日五夜諸天諸  
地陰陽機運一時停回玄網振肅海嶽澄明  
品物咸和普安其生一國地土山川林木凝

鮮一等無復殘毀土皆作異寶燦麗熠熠衆  
真侍座元始天尊玄坐空浮萬氣雲華寶座  
之上說經一遍諸天大聖同時稱善是時一  
國男女禍害不作無有天傷說經二遍災病  
蠲消說經三遍廿八翁艾返嬰說經四遍垂死得  
生壽獲永延說經五遍死入輪轉即獲昇遷  
說經六遍沈屍九鍊陰質迴生說經七遍受  
化太玄枯骨復形說經八遍普世明悟道性  
還淳尚德貴正斷滅姦邪說經九遍學道得  
道求仙得仙說經十遍妙氣周備混合神明

是時一國是男是女莫不傾心皆受護度咸得長生

道言是時元始天尊說經一遍東方無極無量品道化大神無鞅之衆浮空而至說經二遍南方無極無量品明性大神無鞅之衆浮空而至說經三遍西方無極無量品結氣之神無鞅之衆浮空而至說經四遍北方無極無量品開慧大神無鞅之衆浮空而至說經五遍東北無極無量品生寃大神無鞅之衆浮空而至說經六遍東南無極無量品育形

大神無鞅之衆浮空而至說經七遍西南無  
極無量品保命大神無鞅之衆浮空而至說  
經八遍西北無極無量品延年大神無鞅之  
衆浮空而至說經九遍上方無極無量品廻  
生大神無鞅之衆浮空而至說經十遍下方  
無極無量品起死大神無鞅之衆浮空而至  
十遍周竟十方無極天真大神一時同至一  
國男女傾心歸仰一切淪化沈冥屍過蒙被  
道恩生氣入身既死返形來者有如山嶽出  
雲四塞彌漫無鞅之衆迨國一半土皆偏陷

非可禁止於是元始開七寶山啓無邊目約  
衣斂几凝觀遐想以告衆真曰衆生迷誤罔  
覺玄真既離胎育情逐化遷緣類隨著遂生  
業因業累敗性徇識爲愚利害交攻情色蕩  
意初爲童稚逮于壯時顧視之間已及於老  
焦牢枯竭生氣旋盡至於死壞殊不知道爲  
生德生爲道根心存於道常與生俱物有生  
死道無生死存道於形生氣自續數極形盡  
道復能生生道既固不從化遷保形不化永  
存綿綿迴生轉死上真所崇今爲衆等開演

妙本普度無窮於是元始振揚華拂景霧四  
騰如雲如煙靄浮空際去地九丈元始攝引  
天真大神上聖高尊妙行真人十方無極至  
真大神無鞅數衆俱在景霧之中地還平正  
無復欹陷元始即於景霧之上說經都竟衆

第八

三

真監度以授於我當此之時喜慶難言法事  
粗悉諸天復位俟歛之間寂無遺響是時天  
人遇值經法普得濟度永植生根無有沈淪  
傾土歸仰咸行道心不競不擾不任不勤不  
念不欲不貪不嗔不營不思言無藻麗口無

怨咨齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是真王迴生起死內諱百靈之隱名也非世之常辭上聖已成真人通玄究微能悉其章誦之十過諸天攝氣萬道齊真靈化開宣咸受玄恩生津永啓召魄收魂沈零結育以返屍形迴生起死白骨成人至學之士誦之十過則五帝命靈三元策真

靈真降合死道散應濟度垂死絕而得生所以爾者學士道氣未絕體未契真保制萬神德未全至用可回度命機開導生津但起死而已不復轉輪輕誦此章身則被殃供養尊禮門戶興隆世世昌熾與善因緣萬災不干神說門斯經尊妙獨步玉京度人無量生道之宗巍巍大範德難可勝

道言凡誦是經十過諸天齊到生道開明返化結軀億曾萬祖幽寬苦爽亦皆受度上昇朱宮格皆九年受化更生得為真仙而好學

至經功滿德就皆得舉形飛昇金闕遊宴玉  
京也上學之士修誦是經皆即受度飛昇南  
宮世人受誦則延壽長年久視無窮後天長  
存運數雖極並皆得作解化之道適變神明  
不經絕滅常欣保榮逍遙十天此經微妙普  
度無窮一切天人莫不受慶無量之福生死  
蒙惠上天所寶不傳下世至士齋金寶效心  
告盟神霄而傳輕泄漏慢殃及九祖長役鬼  
官侍經五帝玉童玉女各二十四人營衛神  
文保護受經者身

道言正月長齋誦詠是經為拔度衰亡死滅  
極會之災得保生存七月長齋誦詠是經神  
氣常全厄難蠲消名奏青錄當獲長生十月  
長齋誦詠是經為普天率土保度民物仁壽  
咸臻與天無傾世世衍溢戴仰人君安鎮國  
祚萬劫昇平八節之日誦詠是經造化不愆  
金木交并神氣和同養育皇靈枯朽更生受  
其鍊度得證仙真本命之日誦詠是經身保  
清貞體用日新禍患永消長享福祥天曹錄  
善地司滅連慶延七祖名奏三天功滿德流

飛昇上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲  
氣之中內外籙冥有青龍白虎朱雀玄武

獅子白鶴羅列左右日月照明洞煥室內

迴生起死玄化大神侍衛前後項生圓象  
光映十方如此分明密呪曰

無上玄元太上道君召出臣身中三五功曹  
左右官使者侍香玉童傳言玉女五帝直符

直日香官各三十二人關啓所言今日吉慶  
長齋清堂修行至經無量度人願所啓上徹  
徑御

無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章迴生起死萬變度人真  
玉隱韻混合自然玉虛妙文總括至神元始  
之初洞化玄元肇明三氣生育萬靈是爲道  
本無所不真陰陽總會玉華煥彰無文不先

無文不明無文不立無文不成無文不度無  
文不生是為大梵妙粹之宗紫清上京瓊室  
雲房極真所御生化之根浩浩帝氣或聚或  
分朱陵丹天瑤臺閼風玉宸紫館方諸鬱青  
巡布流衍周迴十方中有度人起死之神中  
有迴生結化之君中有三素元君大神中有  
十方皇靈丈人中有南上司命司錄延壽益  
算度厄尊神迴生起死無量度人今日校錄  
諸天臨軒

東方無極度命神王長生大聖無量度人

南方無極鍊魂神王長生大聖無量度人  
西方無極衛質神王長生大聖無量度人  
北方無極保化神王長生大聖無量度人  
東北無極致仙神王長生大聖無量度人  
東南無極寶氣神王長生大聖無量度人

當八

六

西南無極迴生神王長生大聖無量度人  
西北無極起死神王長生大聖無量度人  
上方無極超形神王長生大聖無量度人  
下方無極成德神王長生大聖無量度人  
十方至真飛天神王迴生起死無量大神並

靈寶度量人上品妙經

乘顯彩梵氣金宸紫翠流華景雲瓊鑿散花  
八威羽輦絳旂組惟霞輪珠蓋驂駕龍鳳建  
執中幢前嘯玉真齊唱後吹簫續同鳴獅子  
白鶴嘯歌雍雍六真啓途四將翼轅億乘萬  
騎浮空而來傾光回駕起死迴生天機丞相

南昌上官韓司主錄監生大神執錄把籍齊  
到帝前隨所應度嚴校諸天普告三界無極  
神鄉泉曲之府北都羅鄴三官九府十二河  
源速召司命迴生命還算窮增壽形死易籤  
句姓移名黑籍灰焚上解祖考憶劫種親疾

除罪薄落滅惡根不得拘留逼合鬼群元始  
符命時刻昇遷北都寒池部衛形蒐制魔保  
舉度品南宮死蒐受鍊仙化成人身身受度  
劫劫長存隨劫輪轉與天齊年永度三途五  
苦八難超凌三界逍遙上清上清之天天帝  
由八  
洞真無色之境梵行

東方八天

洞幾寂夷天

帝重光晞明

孔常茂棋天

帝瑤旁祖璫

彥麗漢度天

帝翹亞寵璐

昌治航銖天

帝方說九圖

冲忽晝虛天

帝就飲爰表

雍田禧福天

帝覺龍燕介

全遙無思天

帝斗巨莽沙

側清舉藝天

帝侯符命連

南方八天

角千火杵天

帝霞鮮明尊

洞微浩陽天

帝和裔並耀

起龍進成天

帝藻濟倣

濂極鵬祥天

帝褒九嘉

峻房光重天

帝定中慈昇

泊正由仙天

帝邀思雲襄

空玄懷漠天

帝輔寧氏安

崑嶼芳凝天

帝妙曩滋來

西方八天

寶熙列儀天

帝邀師至京

道維部需天

帝九宸微樞

歷陶極真天

帝廻贊育敦

慶緒統皇天

帝蒲延已存

制魔曠猷天

帝澤煥願恒

亮恭侍祥天

帝敷遠頓章

溶境麗光天

帝玉支鹿步

夏琳朱府天

帝月嬰無將

北方八天

聚咸承籍天

帝演題池琥

馬應崇元天

帝頌頤布靈

蘿嵩福世天

帝神洋觀璞

詔印八鸞天

帝都仙機

逸登翠廓天

帝餒摻披堂

霄庭應朝天

帝慧總龍

釋虛素文天

帝玄元神長

梵元勝樂天

帝行維上監

三十二天三十二帝諸天隱諱諸天隱名天  
中空洞自然靈章諸天隱韻召生之音立命  
之尊感化之神變化屍魔出胎成靈陽和陰  
合降氣上清無量之奧深不可詳敷落神真  
普度天人今日欣慶受度迴生起死歷關諸  
天請滅三惡斬絕地根飛度五苦命生太玄  
魔王監舉無拘生門東斗送寬西斗並魄北  
斗定品南斗課年中斗主福大魁保生周

三台總監衆靈青帝知覺白帝興能赤帝動  
識黑帝鍊精黃帝受形萬神居身青天魔王  
迴生繼絕赤天魔王還氣甦血白天魔王引  
息如繩黑天魔王六用通靈黃天魔王制鬼  
育嬰五帝大魔萬神之宗飛行鼓從總領鬼  
兵麾幢鼓節遊觀太空自號赫奕與天齊功  
上天度人嚴攝北鄴都天受命普掃不祥八  
威起死枯朽更芳神龍列馭真吏揚威天丁  
呼覓大帥舉身百神返歸玉輅金軒死注斷  
絕鎖鬼北山擲火萬里流鈴八衝敢有干試

拘遏上真金錢前戮巨天後刑屠割鬼奕風  
火無停千千截首萬萬剪形魔無干犯鬼無  
秋精三官此豔明檢鬼管不得容隱金馬驛  
呈普告無窮萬神咸聽三界五帝列言上清  
寰虛遐默劫胞混康眇眇億萬生化混沌外  
無定色內無定淵風行六虛金液浮天天上  
天下無幽無冥無形無影無極無窮溟滓大  
梵遼廓無光中有至精自知自主覺亦無覺  
明亦無明不以覺明道化全神神來即生神  
去即死生即胎謝死乃蒂落氣接神生氣索

靈寶先度人上品妙經

神消血結骨枯挺然屍居九蟲爲魅蝕腦啖  
髓藏神泥丸生道固天神不去身起死成人  
爾有道力枯骨更生死滅冥默竟遊魄息如  
劫未開昏昏寂寂赤明開圖運度自然元始  
安鎮敷落五篇赤書玉字八威龍文保制劫  
運使天長存梵氣彌羅萬範開張元網流演  
三十二天輪轉三界周迴十方旋房歷心迴  
生起死還返五常三十五分總氣上元八景  
冥合氣入玄玄中太皇上帝高真泛景神  
霄彌詠洞章金真煥擲流響雲營玉音攝氣

迴風聚烟紫虛鬱秀輔翼萬仙千和萬合自  
然得生生命有神長生大君無英左官白元  
右神太一包識司命頒靈桃康氣元合延母  
精執符把籙追死更生上遊上清出入華房  
八冥之內細微之中下鎮人身泥丸絳宮中

廿八

十

理五氣混合百神十轉回靈滌鍊神形三一  
還真萬氣齊仙仙道貴生無量度人上闢八  
門飛天法輪罪福禁戒宿命因緣普受開度  
死鬼生身身得受生上聞諸天諸天之上各  
有生門中有空洞謠歌之章迴生靈篇辭參

高真

第一欲界飛空迴生之音

六空之中

無有內外

一熒生光

變此天地

天地何生

熒光為神

神立成氣

氣亦無形

無形無名

化生三清

乾坤萬類

以此得生

能保此生

生來無蹤

天道貴生

鬼道貴終

終盡其氣

不終其神

神無終始

和以天均

自然迴生

死壞不經

死者神逝

胡不留神

神其可留

生死俱濟

屍形委委

見性忽無

見無所見

與真為徒

骨有玄空

氣入如風

欸然神至

笑語形容

此道維何

以意合玄

玄通意感

自然而然

靈文迴玉筭

菱屍迤五官

我誦上清章

制魔詣可韓

執契告司命

沈冥立生還

第二色界起死長生之章

赤扉景霄上

環日流紫煙

中有綠衣人

吹簫乘白蓮

稽首玉清王

校籍徵萬仙

靈寶度量人上品妙經

執籍招九鬼 秉策開八闕 命窮呼帝皇

寶杖指神還 延生佩黃纒 赤書鬱爛斑

亡魄入藥房 玉女啓瓊軒 羽蓋羅太上

青龍遶烏鸞 白雲迴絳宮 靈光舞胎仙

命魔塞寒池 誅姦瑩竒泉 滅形無常鬼

恭誦大有篇 百神守太玄 流珠響珊珊

靈津濯枯枝 衆條翳蘭鮮 真氣洒八極

玉骨同蛻蟬 上道貴簡妙 秘語寧輕宣

第三無色界高上神霄玉清王歌曰

眇眇玉闕 碧頂在上 梵氣如河

流演八天

鳴湍寫鍊

沸濤絞雷

我氣炎衝

萬物生回

三界有生

俱承妙氣

黃粒金液

山橫鼎峙

賦其巨者

高真仙王

與其細者

公侯珮璫

研丹比豆

玉京俄就

日月交飛

我命長久

臺臺繁生

握珠自得

不知太空

玄道是則

化機不運

三界休息

真一未明

五行爲賊

顧彼羞我

風謠空歌

咳笑浩劫

神都可過

我位上王

萬變玄中

惠兆絕命

九竅互通

返屍生形

致天六龍

至陽若無有

感和忽玄同

此三界之上飛空之中真王歌音音參洞章  
誦之百遍名度南宮誦之千遍靈魔保迎萬

宙八

十二

遍道備飛昇太空過度三界位登仙公有聞  
靈音迴生返形勅制地祇侍衛送迎拔出地  
戶五苦八難七祖升遷永離鬼官竟度朱陵  
受鍊更生是謂無量普度無窮有祕上天文  
諸天共所崇泄慢墮地獄禍及七祖翁

道言此二章並是諸天上帝及神霄真王隱  
秘之音招致生真還復屍魂九宮揚靈輝三  
府凝玉津身被紫景面澤朱光超凌玄都皆  
是大梵之言非世上常辭言無韻麗曲無華  
宛故謂玄奧難可尋詳上天所寶秘於神霄  
玉清上宮東華寶室依玄科應運下傳若有  
至人齋金寶質心依舊格告盟十天然後而  
付焉

道言夫天地運度亦有否終日月五星亦有  
虧盈至聖神人亦有休否末學之夫亦有疾

傷凡有此災皆可迴還生氣起濟窮絕同氣  
皆當齊心修齋六時行香十遍轉經福德立  
降消諸不詳無量之文普度無窮

道言夫末學道淺或仙品未充運應滅度身  
經太陰臨過之時同學至人爲其行香誦經

卷八

十三

十過以度屍形如法則生神起身宮室開明  
死戶閉塞穢胞蕩清天機玄省南昌上宮返  
其魂神隨其學功計日而得更生轉輪不惑  
便得神仙

道言夫迴生起死靈寶所重神霄禁書大至

天地細連人物皆有生死增減益筭之道天地運終已亥交氣星宿錯度日月失昏躔次推移四時失度陰陽不調金勝火伏國境有災兵盜時作太一行宮疫毒流行兆民死傷人運臨剋師友命過真譜斷宗亦當修齋行香誦經迴生以成吉起死以破凶福應不渝生道咸賴切於己形施於天下靈秘至微下學殊昧夫齋戒誦經功德甚重上消天災保鎮帝王下攘毒害以度兆民生死受賴其福難勝故曰無量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛在列至人剋得為聖君金闕之臣諸天記人功過毫分無失天中魔王亦保舉爾身得道者乃當洞明至言也  
諸天中大梵隱評無量音 道君撰  
元始靈書攝氣還和玉篇

東方八天

帝錫寶瑄 齊仙續洪 元奧昊允  
資昇九冲 確璃峻翹 璨華炎封

邃竄瑤廊  
靈池香府  
鑿池斗普

戴護龍祖  
尚師趨騫  
願寂宿與

丹策韓璽  
玉璣遠威  
奏運直鑿

偏呈丘陂

南方八天

省八

軸璿蘭序  
辰逸冒璠  
歌移追胡

回靈君漢  
萬齡柱天  
金鑿曜殿

歲菱美眸  
皎變枚施  
爵闌神那

疆鄙攸司  
鬼社興生  
獨官呵泉

濟龍穴大  
灌瀆眩玄  
秀魁璘女

十四

福和育千

西方八天

迨錄伊駟

陰裳比暄

漬雲吸瀦

白鍊虎遑

氣弦浴神

庚蒐繞乾

斗閣注簡

命皇奏延

潭恍廓合

應殊交洲

沔漢甫察

丹露虯仙

竟祈蕭瑒

月薦璵偕

整審屍爽

宸令迅傳

北方八天

極道無壁

青神意闕

溢漿泝巔

默求取餐 餌歛藏鬼 鳳石玉響

香英靜南 俱圍並黨 隙窳窳靈

妙好自并 忽劫億仞 止圓洞清

教洎唱繁 真至眇綿 皓宅罔住

混古稽言

八

十五

道言此諸天中大梵隱語無量之音舊又神  
霄真王紀錄紫臺碧閣之上招諸天以回生  
初此都以起死鬼神禮之以增靈仙聖佩之  
以洞妙天地因之以化育陰陽通之以媾形  
鼓索運神氣來命會生道之諱不可不知以

靈寶度量上人上品妙經

保長存天真皇人昔書其文以為正音有知其音能齋而誦之者諸天皆遣迴生復形神王下觀其身書其功勤上奏諸天萬神朝禮地祇侍門大勲真仙保舉上清道備剋得遊行三界昇入金門此音無所不辟無所不攘無所不度無所不成天真自然之音也故誦之致神王下觀上帝遙唱萬神朝禮三界侍軒群祇東首鬼精自亡琳琅振響十方肅清九峯靜默七澤吞煙萬靈振伏招集群仙天無氛穢地無秋塵冥慧洞清大量玄玄也

元始無量度人上品妙經卷之五十八

---